

BANNIDA

Votantas e votants dal cumün da Sta. Maria sun invidats ad üna radunanza cumünala chi ha lö:

Di: **Venderdi, 22 auost 1997**

Urari/lö: **21.⁰⁰** ill'aula da la chasa da **scoula Sta. Maria/Valchava**

D'evader sun las seguintas tractandas:


1. Salüd
2. Elecziun dals scrutinadurs
3. Sviamaint per il cumün da Sta. Maria
 - 3.1 Infuormaziuns cun discussiun sur da las duos variantas da sviamaint "C96" (süd) "A+" (nord)
 - 3.2 Votaziun per üna da las variantas

posa da ca. 15 minuts

3.3 Votaziun per il sviamaint, v.d per la varianta chi'd es gnüda preferida illa tractanda 3.2

4. Varia

Sta. Maria, 14.08.1997



Per la suprastanza:

V. Stüpan
V. Stüpan, president

Diversas tablas cun plans ed infuormaziuns sur da las duos variantas sun publichadas illa chasa cumünala.

Protocol radunanza cumünala dals 22 auost 1997

nr. 03/1997

President Vito Stupan po bivgnantar a 132 votantas e votants per la radunanza cumünala da quista saira. In vista a la gronda preschentscha e per avair il nummer exact dals votants vegn fat l'appel.

La bannida vegn preletta. Claudio Gustin fa la dumonda perchè chi vegn fat duos scrutins. El es da l'avis cha la tractanda 3.2 füss statta sufficiainta. Il president da sclerimaint. Cul seguond scrutin s'imprometta la cumischiun üna majurità plü gronda per la varianta preferida suot tractanda 3.2, ingiò chi's pudarà far quint cun üna situaziun da parità. Cun gronda pluralità vegn la bannida acceptada.

2. Elecziun dals scrutinadurs

Sco scrutinadurs vegnan proponüts ed elets: Jon Michel Conradin, Aldo Grond, Marcus Cola e Daniel Schröter.

3. Sviamaint per il cumün da Sta. Maria

- 3.1 Infuormaziuns cun discussiun sur da las duos variantas da sviamaint "C96" (süd) "A+" (nord)
- 3.2 Votaziun per üna da las variantas

Il president da üna cuort'introducziun e suotastricha l'importanza da la decisiun chi vegn tratta quista saira. Il planisadur, Firtz Hoppler d'Ardez, preschainta las duos variantas a basa da diversa documainta, la quala fuorma üna part integrala dal protocol.

Discussiun:

- Peter Roth renda attent cha l'otezza dal sviamaint sur la via d'Umbrail nu basta per autos postals e cars. Our da motivs economics es el da l'avis cha quist trafic nu po gnir svià sper il cumün via. Fritz Hoppler manzuna cha cun translocar la via vers cumün e cun sbassar la via existenta esa pussibel da survgnir l'otezza minimala da 4 m, necessaria per quists vehiculs.
- Jon Depeder fa la dumonda schi nu füss pussibel da sviar eir la fracziun da Sielva. Niculina Pitsch, presidenta da la cumischiun da sviamaint, manzuna cha quista dumonda saja gnüda trattada cun las instanzas chantunalas. Displaschaivelmaing nun accepta il chantun sco patrun da fabrica ün simmil traget. Motivà vegn quai cul fat cha'l sviamaint gniss massa lung e chi's stuvev mantgnair duos vias.
- Ernst Schweizer muossa via sün la gronda perdita da terrain d'agricultura pro la varianta "C96" (Quaunas) El sustegna la varianta "A+" (Mundaditschas) chi correspuonda plü o main a quella chi'd es gnüda acceptada dal 1976.

Siand ch'ingün nu fa plü adöver da la discussiun vegn scumparti il scrutin per la tractanda nr. 3.2

Scumparti ed entrà:	132 scrutins
Vöd ed invalid:	7 scrutins
Valabel:	125 scrutins

Varianta "C96" (süd)	67 scrutins
Varianta "A+" (nord)	58 scrutins

Cun 67 vuschs preferischa la radunanza la varianta "C96" (süd / Quaunas)

Protocol radunanza cumünala dals 22.08.1997, pagina 2

3.3 Votaziun per il sviamaint, v.d per la varianta chi'd es gnüda preferida illa tractanda 3.2

Ils scrutinadurs scumpartan il scrutin per la tractanda nr. 3.3 La presidenta da la cumischiun giavüscha da sustegner la varianta preferida cun ün "schi" perchè cha be uschè sarà pussibel da preschantar e documentar la varianta a las instanzas chantunalas e pretender plü svelt pussibel la realisaziun.

Resultà dal scrutin:


Scumparti ed entrà:	131 scrutins
Vöd ed invalid:	8 scrutins
Valabel:	123 scrutins

Per ün sviamaint sco decis suot tractanda nr. 3.2, v.d. sviamaint süd / Quaunas:

schi	72 scurtins
na	51 scrutins

4. Varia

Siand ch'ingün nun ha da far dumondas o objecziuns po il president serrar la radunanza a las 22.⁴⁵ El ingrazcha per la cumparsa e giavüscha a tuots la buna not.

Il president, 

l'actuar, 